

data: 13-6-87 nº: 30

# Camishèth

miei de comunicacion  
deth Centres de Recorsi  
Pedagògics d'ara  
Val d'Aràn

Generalitat de Catalonha  
Departament d'Ensenhament

Eth cors ei acabat. Agust ei eth darrèr Camishèth. Auem complit eth compromís. D'ara ara fin deth cors eth CRP daurirà es següents dies:

Deluns 15: Amassada grop Estudi deth miei, geografia, tas 16 ores.

Diuendres 19 de junh a partir des 16 ores.

Diuendres 26 de junh a partir des 16 ores.

Eth rèste des dies serà barrat. Totun se quaque mèstre a besonh bèth servici pòt passar peth Centre de Normalisacion Lingüística.

BONES VACANCES TA TOTI  
MEREISHUDES DEMPUS D'UN  
CORS TAN TREBALHAT!

## ESCOLA D'OSTIU

Es preparatiu dera quataua Escòla d'Ostiu dera Val d'Aran ja arriben a terme. Es programes seran en carrèr laguens de quauqui dies. Coma poderatz comprobar enguan i a entà escuelher.

Quauqui corsi an limitat eth numero d'assistents per quèstions d'efectivitat. Se quauqu'arres a un notable interes en beth un d'eri calerà que realise era inscripcion pro lèu entà non quedà-se pas as marge.



## MATERIAU PRESTAT

Era fin deth cors s'aprove e cau dar compliment ath compromis prés enes prestecs deth CRP. cau anar tornant eth materiau, subertot libres, prestat per aquest CRP. Sajatz de hèc çò més lèu possible.

## MUSICA TRADICIONAU

Eth dia 28 de mai, dijaus, mos amassèrem per darrèr còp es participants deth cors de "Musica Tradicionau Gascona" e es professors d'aguest curset: Guy Bertrand e Bernart Menetrièr

En aguesta darrèra session analisèrem çò qu'auie estat aguest curset.

Aguestes son es conclusions as qu'arribèrem:

. Serie convenient crear era figura d'un "mèstre itinerant" qu'anèsse pes escòles a impartir classes de musica Gascona.

. Tath pròp-lèu curs se poderie formar un grop de gent que hé-se un trabalh de recerca-investigacion deth qu'a estat e ei era musica ena Val.

. Hèr un cūrset d'introduccion ara musica entà toti aqueri qu'auem besonh ues normes o pautes basiques tà poder ensenhar as nòsti mainatges era musica.

Me semble, que se mès non aquesta experiècia mos a servit tà auer ues idies clares d'aquerò que volem.

Teresa Joli.